



**Minneapolis Lub Tuam Tsev Hauj Lwm  
Ntsig Txog Tub Ceev Xwm  
Phau Ntawv Qhia Siv Txoj Cai thiab Txheej  
Txheem**

Nab Npawb:  
7-3000

**Xuv Xya – Cov Kev Ua Hauj Lwm Sab Nrau**

**Kev Sib Tham Nrog Rau Cov Neeg Hloov Cev thiab Cov Neeg Uas Tsis Zoo Thooj  
Li Poj Niam-Txiv Neej**

**7-3001 Kev Sib Tham Nrog Rau Cov Neeg Hloov Cev thiab Cov Neeg Uas Tsis  
Zoo Thooj Li Poj Niam-Txiv Neej  
(06/16/16)**

(A-D)

**I. Lub Hom Phiaj**

Lub hom phiaj ntawm txoj cai no yog los teeb tsa cov lus qhia rau qhov kev saib xyuas uas phim rau cov neeg hloov cev thiab cov neeg uas tsis zoo thooj li poj niam-txiv neej (TGN) uas los sib txuas lus nrog rau Minneapolis Lub Tuam Tsev Hauj Lwm Ntsig Txog Tub Ceev Xwm.

**II. Txoj Cai**

Nws yuav yog txoj cai ntawm lub tuam tsev hauj lwm no uas yuav los saib xyuas txhua tus neeg yam uas muaj kev coj tus thiab kev muab saib siab rau txhua tus. Cov neeg ua hauj lwm yuav ua kev nqis tes, hais lus thiab coj lawv tus kheej nyob rau tus yam ntxwv uas zoo, lees paub txog lawv lub luag hauj lwm saib xyuas kev nyab xeeb ntawm lub neej thiab vaj tsev. Cov neeg ua hauj lwm yuav ceev cia tus cwj pwm coj tus, coj zoo nyob rau hauv txhua cov kev sib txuas lus nrog rau zej toom, thiab yuav tsis ua tej kev coj tsis ncaj, sib cais los sis ntxub ntxaug rau cov neeg TGN los sis pab pawg neeg ntawm cov neeg TGN.

**III. Cov Ntsiab Lus Txhais**

**Lub Npe Uas Tau Siv/Tau Xaiv:** Lub npe uas tsis yog lub npe tis thaum yug los uas tus neeg TGN siv nyob rau hauv kev qhia txog tus kheej (qhov no tej zaum yuav yog los sis yuav tsis yog tus neeg lub npe uas raug raws cai).

**Kev Paub Tseeb los sis Kev Piav Qhia Tias Yog Poj Niam-Txiv Neej:** Tus neeg daim duab tus kheej raws li qhov tseeb tiag los sis tau lees paub los sis kev txheeb xyuas raws li qhia tawm los ntawm kev hnav khaub chaws, tus yam ntxwv kev saib pom, kev coj cwj pwm, kev hais lus los sis cov yam ntxwv uas zoo thooj li ntawd, tsis hais yuav muaj los sis tsis muaj kev cuam tshuam raws li kab lig kev cai nrog rau tus neeg ntawd li kev tshawb fawb fab lub cev ntaj ntsug, chromosome qhia txog poj niam-txiv neej, los sis kev yog poj niam-txiv neej thaum yug los.

**Kev Tsis Zoo Thooj Li Poj Niam-Txiv Neej:** Lo lus siv rau cov neeg uas kev qhia tias yog poj niam txiv neej tsis poob rau cov kev vam khom raws li ib txwm ntawm poj niam los sis txiv neej.

**Kev Yog Poj Niam-Txiv Neej:** Cov kev tsim nyog ntawm lub cev uas txiav txim tias yog poj niam los sis txiv neej.

**Kev Nyiam Poj Niam Txiv-Neej:** Kev muaj los sis kev lees paub tias muaj kev hlub fab txoj kev xav, fab lub cev ntaj ntsug, los sis fab kev sib daj sib deev nrog rau lwm tus neeg yam uas tsis quav ntsej txog qhov yog poj niam-txiv neej ntawm tus neeg ntawd los sis kev muaj los sis lees paub tias muaj kev nyiam qhov kev hlub uas hais los ntawd.

**Tus Neeg Uas Hloov Cev:** Tus neeg uas qhia tias muaj qhov yog poj niam txiv neeg raws li ib txwm uas txawv li tus neeg ntawd qhov yog poj niam-txiv neej uas muaj thaum yug los.

**Poj Niam Hloov Cev Ua Txiv Neej (FTM):** Tus neeg uas hloov cev los ntawm poj niam mus ua txiv neej, uas txhais tau tias thaum yug los yog poj niam, tab sis qhia tus kheej thiab ua neej nyob tam li yog txiv neej (los kuj tau hu ua txiv neej hloov cev). Tus neeg FTM tsim nyog raug hu uas siv los hloov lub npe ntawm tus txiv neej (xws li tus txiv neej ntawd, tus txiv neej ntawd li, rau tus txiv neej ntawd), yam tsis quav ntsej txog nws qib kev phais hloov cev.

**Txiv Neej Hloov Cev Ua Poj Niam (MTF):** Tus neeg uas hloov cev los ntawm txiv neej mus ua poj niam, uas txhais tau tias thaum yug los yog txiv neej, tab sis qhia tus kheej thiab ua neej nyob tam li yog poj niam (los kuj tau hu ua poj niam hloov cev). Tus neeg MTF tsim nyog raug hu uas siv los hloov lub npe ntawm tus poj niam (xws li tus poj niam ntawd, tus poj niamj ntawd li, rau tus poj niam ntawd), yam tsis quav ntsej txog nws qib kev phais hloov cev.

#### IV. Cov Txheej Txheem/ Cov Cai/ Cov Kev Cai

##### A. Cov Qauv Kev Hu

1. Cov neeg ua hauj lwm yuav tsum hu cov neeg TGN los ntawm tus neeg ntawd lub npe uas tau siv, txawm tias tus neeg ntawd tsis tau txais kev lees paub raws li kev cai lij choj txog ntawm lub npe uas tau siv los xij.
2. Nyob rau hauv kev hu los sis kev sib tham txog ntawm tus neeg TGN, cov neeg ua hauj lwm yuav tsum siv lo lus hloov pauv npe raws li phim rau tus neeg ntawd li kev paub tseeb tias yog poj niam-txiv neej (xws li, tus poj niam ntawd/tus poj niam ntawd li/rau tus poj niam ntawd, tus txiv neej ntawd/rau tus txiv neej ntawd/tus txiv neej ntawd li/, lawv/rau lawv/lawv li, thiab lwm yam). Yog tias tus neeg ua hauj lwm tsis paub meej tias cov lus hloov lub npe twg thiaj phim, ces tus neeg ua hauj lwm tsim nyog nug tus neeg ntawd yam uas muaj kev sib hwm.
3. Cov neeg ua hauj lwm yuav tsum tsis siv cov lus uas tus neeg muaj zoo laj thawj yuav xam tias yog kev thuam los sis kev ua rau txaj muag; tshwj xeeb tshaj, yog cov lus uas tau tsom kwm rau tus neeg ntawd li paub tseeb tias yog poj niam-txiv neej, kev piav qhia tias yog poj niam-txiv neej los sis kev nyiam poj niam-txiv neej uas tseeb tiag los sis tau lees paub.

4. Cov neeg ua hauj lwm tsis tsim nyog nthuav tawm tus neeg ntawd li kev paub tseeb tias yog TGN rau lwm tus neeg los sis lwm pab pawg neeg yog tias tsis muaj lub hom phiaj kev yuam siv kev cai lij choj uas phim.

## **B. Cov Kev Hu Thov Kev Pab Cuam**

1. Cov kev hu thov kev pab cuam los sis cov kev tsis txaus siab uas tau tshwm sim los ntawm cov neeg TGN yuav raug daws thiab raug tshawb xyuas nyob rau tus yam ntxwv uas raug raws li txhua cov cai ntawm lub tuam tsev hauj lwm.
2. Cov neeg ua hauj lwm yuav tsis xam tias tus neeg ntawd qhov kev yog poj niam-txiv neej los sis kev qhia tias yog poj niam-txiv neej yog qhov ua xyem xyav uas muaj zoo laj thawj los sis qhov pov thawj tias tus neeg ntawd muaj los sis tau koom tes nrog rau qhov kev nqis tes ua phem, uas suav nrog kev muag cev.
  - a. Tej zaum cov neeg ua hauj lwm tsuas ua zoo saib rau qhov yog poj niam-txiv neej los sis kev qhia tias yog poj niam-txiv neej uas saib raws li txoj cai Kev Ceev Xwm Uas Ncaj Ncees (P/P 5-104).

## **C. Kev Thauj Mus Los**

Thaum twg los xij uas mus tau, tus neeg uas xav tias muaj kev txhaum los sis tus neeg raug ntes uas yog TGN yuav tsum raug thauj ib leeg. Cov tub ceev xwm yuav ua kom ntseeg siab tau hu rau cov chaw txhab ntxiv txhawm rau pab thauj cov neeg TGN txhab ntxiv.

## **D. Cov Kev Tshawb Nrhiav**

1. Cov tub ceev xwm yuav tsis lav, ceev cia, kuaj cev los sis tshawb nrhiav thoob plaws tus neeg los sis ib feem rau cov hom phiaj kev txiav txim tus neeg ntawd li kev yog poj niam-txiv neej los sis txhawm rau hu kom neeg los saib tus neeg ntawd li kev piav qhia tias yog poj niam-txiv neej.
2. Cov tub ceev xwm yuav tsum tau siv cov kev ua raws tus qauv cai thiab cov txheej txheem txuas mus ntxiv thaum ua cov kev xam phaj tom tshav puam, Cov kev lav kom nres thiab cov kev tshawb lub cev/cov kev tshawb riam phom.
3. Thaum twg sijhawm pub qhov kev tshawb ib tug neeg TGN uas xav tuas muaj kev txhaum uas dhau qhov qheb tes plws xuas lawm, qhov kev tshawb ntawv yuav tsum los ntawm tub tus ceevxwm uas yog hom neeg uas tus neeg uas xav tias muaj kev txhaum ntawd tau thov.
  - a. Txhua lwm cov kev tshawb ntawm qhov kev tshawb nrhiav yuav raug ua uas saib raws li MPD cov kev nqis tes ua thiab cov txheej txheem raws li tus qauv cai.

**E. Kev Saib Xyuas Fab Kev Kho Mob**

1. Cov neeg TGN xav tau kev saib xyuas fab kev kho mob yuav tsum tau txais kev saib xyuas raws li lwm tus neeg uas xav tau kev saib xyuas fab kev kho mob.

**F. Kev Cais Hom Lub Npe thiab Qhov Yog Poj Niam-Txiv Neej ntawm Cov Neeg TGN rau Cov Hom Phiaj Fab Ntaub Ntawv**

1. Txheej teg kev ua hauj lwm txog kev tshaj tawm uas raug siv los ntawm MPD (CAPRS) siv daim ntawv lo qhia "poj niam-txiv neej (sex)" thiab muab cov hauv kev xaiv ntawm "Txiv Neej (Male)" thiab "Poj Niam (Female)". Tshooj no yuav siv lo lus "poj niam-txiv neej (gender)" nyob rau hauv kev hais txog kev cais hom nyob rau hauv txheej teg kev ua hauj lwm txog kev tshaj tawm.
2. Tus neeg lub npe thiab qhov yog poj niam txiv neej yuav raug cais hom rau cov hom phiaj fab ntaub ntawv raws li pom tshwm nyob rau hauv tus neeg ntawd daim npav qhia tus kheej uas nom tswv tau tawm.
3. Nyob rau xwm txheej uas tsis muaj daim npe qhia tus kheej uas nom tswv tau tawm.
  - a. Yog tias tus tub ceev xwm tau ua kev qhia tus kheej los ntawm cov chaw khaws ntaub ntawv uas phim (xws li DVS) los sis yog tias tus neeg ntawd raug qhia tus kheej nyob rau ntawm Hennepin Khauj Tim Lub Tsev Txim, ces yuav tau siv lub npe thiab qhov kev qhia tias yog poj niam-txiv neej los ntawm qhov kev qhia tus kheej ntawd.
  - b. Yog tias tsis muaj kev qhia tus kheej ntawm nom tswv ces yuav tau siv txheej txheem txuas mus no:
    - i. Tus tub ceev xwm yuav nug tus neeg ntawd yam uas muaj kev sib hwm tias seb lawv yog poj niam los sis txiv neej thiab siv qhov ntawd rau kev cais hom ntaub ntawv kev tshaj tawm CAPRS.
      - aa. Yog tias tus neeg ntawd tsis muaj kev yooj yim uas yuav xaiv teb ib qhov twg los sis tsis kam teb, ces tus tub ceev xwm yuav xaiv ib qhov rau.
    - ii. Tus tub ceev xwm yuav thov tus neeg ntawd lub npe siv rau hauv daim ntawv tshaj tawm.
4. Yog tias tsis paub meej txog cov ntaub ntawv raws li phim uas yuav ntaus nkag ntawm tus neeg ntawd lub npe los sis qhov yog poj niam txiv neej, ces tsim nyog sab laj rau tus thawj coj saib xyuas hauj lwm rau cov lus qhia ntxiv.
5. Tshooj no hais txog kev cais hom ntaub ntawv nkaus xwb, thiab yuav tsis hloov pauv kev thauj mus los, kev tshawb nrhiav los sis kev lis hauj lwm ntawm cov tib neeg.